

L V S V S M E D I C I
O R A T I O N I B V S
E X P R E S S I

I N S V N T
G O N O R R H O E A E E T C A L V I T H
E N C O M I V M
Q. C A L V I V E N E R E I
F V N V S I N D I C T I V V M
E T
E X E Q V I A E

Davidson

P A R E N T A V I T
D. C H R I S T I A N. G O T T F. G R V N E R
P R O F. M E D. I E N E N S. P R I M A R. O R D. M E D.
S E N I O R.

R I D E N D O D I C E R E V E R V M

I E N A E
I N B I B L I O P O L I O A C A D E M I C O
1 8 0 8.

R33400

DIVAE VENERIS

CULTORIBVS

ET

AMICIS INTIMIS

AMORVM MULTITVDINE CLARIS

VVLNERVM CREBRITATE INSIGNIBVS

MILITIA LASSIS LAESIS CALVIS

MORTI FLEBILI PROXIMIS

S.

THE NEW YORK

LIBRARY

OF

THE CITY OF NEW YORK

ASTOR LENOX AND TILDEN FOUNDATIONS

119 N. 4TH ST. NEW YORK, N. Y.

FORMED BY THE MERGER OF THE

ASTOR LENOX AND TILDEN FOUNDATIONS

P R A E F A T I O

Ecce iterum lusus, sed, vt equidem puto, tempori et loco apti! Ludunt hodie omnes, pueri virgis, vt equites strenui apud commilitones esse videantur, ludunt iuuenes, viri, senes, amoribus crebris, puellae matronaeque VENERIS furtis, milites rapinis, gladiis, globis ignitis, caedibus, ludunt etiam docti viri suo quique ingenio suaque sapientia, philosophi verbis phaleratis et pythicis, medici ratio-

ratio-

tionē varia, subtili, dialectica, chemica, theologi nouis doctrinae formulis, iureconfulti antiqua et obsoleta legum forma, poetae thyrsos. Eheu, quam verum et certum est, ludunt hodie omnes, quaerunt ludicra, spernunt seria! Quidni, dum licet et iuuat, opinioni seculi et studiis hominum ita seruiamus, vt, nisi argumentis atque praeceptis commoueri possint, certe ridiculo compellantur ad deponendos malos mores et mittenda vitia, et tandem aliquando redeant ad veram honesti contentionem ac stabilem corporis animique curam?

Quaestio L. B. saluusne in turbulentissimo rerum statu fuerim, an perditus

tus, paucis rem omnem accipite. Vixi per annos triginta et amplius sorte mea nec tenui, nec tamen lauta contentus, nullo creditore interpellatus, hinc vulgi iudicio diues, salutis meorum prouidus, literarum studiis intentus, doctorum hominum fauore nobilis, exteris notus et acceptus, senectute vegeta promptus, sed, cheu! quam incertus fortunae lusus, quam lubricum felicitatis nomen, quam fallax et inconstans bonorum possessio ante obitum est! O quam tristis Octobris (1806.) vrbi et ciuibus memoria! O quam lugubres dies illi mihi, vxori ac liberis sunt habendi! Vna nox multorum annorum fructus et veteres parsimonias abstulit, infesta belli vis, furor militaris, sacra habendi cupiditas

piditas, et ignis a tergo proximus me propriis aedibus expulit. Vidi exul media nocte inter nebulas densas incendia urbis rutila, audiui summo mane ex montium imminantium iugis reboantia tormentorum tonitrua, haesi per diem integrum dubius et anxius animo, quorsum acies pugnantium euentura sit, quaesiui vesperi, fame ac siti pressus, et effusus inter medias militum ac captiuorum turbas, aliquod effugium, et vix impetraui hospitium, cum dominus hinc sibi nouas incursiones metueret. Sed quid multa? Data et restituta securitate, in domum spoliatam, vacuam et destructam conieci oculos. Eheu, iam fui pro diuite nudus, pro Croeso Irus, spectator facinoris immeriti, nec in publica miseria li-

ber ab communi ciuium onere, adstitti quasi ab fulmine tactus et attonitus, ingenui, et vix continui lacrimas, cum doctas chartas humi sparsas, scissas, sordidas, bibliothecam misere turbatam atque confusam, cubicula caede pecorum foeda, summa iniis mixta perspicerem, tandem, pacato paullisper animo, vt naufragus ille philosophus, exclamaui, cedo fatis, omnia mea mecum porto! Haec nullius patent imperio, nec subiecta sunt malcuolorum ciuium iniuriis, vna ingenii possessio vbique terrarum certa, tuta, inaccessa et perpetua est. Excidat ex animo fatalis et atra dies, quae nos ad nostrum larem reuerti vetuit! Dabit deus et his gentium victarum miseriis finem!

Sunt

Sunt olim (1792.) a me editi *lufus medici*, quibus vitia medicorum pro tempore ac more meo redarguerem, prodiit in vulgus (1795.) *vitae liberae et diffolutae encomium*, vt studiosi literarum publice moniti rubere, ac rudem, incultam barbaramque viuendi rationem deponere discant, en L. B. nouum secessus literarii solamen et maiorum lenimentum! En noui lufus, cum scelesti manus ceteras chartas cum numis vel petulanter abstulerit, vel cruore ac fordibus contaminauerit, vel igni malo conflagrandos dederit! Arguti illi lufus sint, an leues, iam non anxie curo, (mibi enim satis est occupationes muneris et curas ita distinxisse, ne tristitiam rerum memoria et iniquitas temporum omnem mentis vim ob-

tunderet) faceti lusus sint, an molles, eandem gloriam, quam seria consecuturi sint, nec ne, id lectorum iudicio lubenter permittendum censeo. Vt enim *summi oratores, summi etiam viri*, auctore PLINIO, *recipiunt amores, odia, iras, misericordiam, omnia denique, quae in vita, atque etiam in foro caussisque versantur*, sic ego academicus, dum noui doctores renuntiandi sunt, iuuenum mores et studia commode redarguere satago, non usus praeceptis molestis, sed verbis in audientium aures suauiter influentibus. Sic vitia mentis et corporis, tanquam praeclara et laudabilia facinora, ridentur, vt sensim sensimque apud plurimos obsolescant, sic non auribus modo, verum etiam oculis discuntur et

omit-

omittenda, et facienda, sic iuvenes sollicitati oratoris arte, consilii que publici memores primo diuidunt sententiam, deinde honestate ac suauitate materiae persuasi ad bonam frugem sponte redeunt.

Hac ego licentia seculi vsus, dum mores et ingenia hominum facetiis tempori ac loco aptis perfringo, pio munere functus mihi esse videor. Nam si quos viuos nec secure de turpitudine corporis monere, nec prauitatem animi corrigere fas est, exequiarum specie ac funebri laudatione omnem vitam sic dispungere ac recolere possumus, vt sentiant tacite omnes, quid hinc illinc imitandum, quid fugiendum et abiiciendum sit, quem in vitae cursu

cursu probe sequi, cuius vestigia implere debeant.

Sunt hodie multi, quos VENUS maligna male habet, sunt plures, qui post strenuam VENERIS operam caluitie glabra egregie superbiunt, sunt denique plurimi, qui ex diuæ castris mutila membra, corporis foeditatem et ipsam mortem flebilem referunt, en imaginem superbi mali ad viuum expressam, sed hinc inde umbris obductam, ne durus in coloribus, vel immodestus verbis esse perhibear! Has ergo amantium flammæ et miseras orationibus meis sic pingere studui, ut iuuenes, viri, senes, tandem aliquando, missis venerum lenociniis, sapere discerent.

rem mentem retrahe, (occafio calua, vt domina VENVS, eft) hoc denique age fedulo, vt orator ipfe ab iufis rerum verborumque arbitris blandus morum reformator, et literarum latinarum iam apud medicos fenefcentium reductor probus effe perhibeatur. Is enim dum turpes ciuium mores et malefacta vniuerfe ridet ac culpat, de fingulis non cogitat. Scripsi Ienae Saxonum Calend. Septembr. cIdccccvii.

Iam abi bonis auspiciis, parue liber, in orbem et vrbes, vt prosis multis, oblis nemini, caue, quantum eius fieri potest, ne cui sis obiurgatione aspera grauis, vel nimia laude molestus, fuge molles Maecenates, flagitiorum patronos, Catones morosos, cinaedos turpes et veteratores pios, (horum enim atria iocis inaccessa, horum palatia cenfori morum fere infecura sunt) sed prae aliis inuise cerei et flexibilis iuuenis diaetam. Hic enim non natura, sed malo hominum exemplo inductus ante annos iustos litat diuae VENERI, periculi nescius, noxae securus, damni illati fere impatiens. Hoc iuuenum genus prae ceteris cura, hos in medio vitiorum scelerumque cursu reuoca, et vel inuitos ad meliorem

C O N T E N T A


Praefatio.	-	Pag. v
I. Gonorrhoeae praekonium.	-	— i
II. Caluitii encomium.	-	— 27
III. Q. Calvi Venerei funus indictium.	-	— 59
IV. Q. Calvi Venerei exequiae.	-	— 63

I.

G O N O R R H O A E

P R A E C O N I V M

A



Vt in rebus prosperis magna sapientiae pars putanda est, A. sua esse sorte contentum, fortunae versabili et volubili multa, sed non omnia de se tribuere, viuere sibi, sufficere patriae, spernere neminem, fauere bonis, neque humili via famae splendorem quaerere, ita etiam bonum virum quam maxime decet nec in aduersis desperare salutem, nec vereri aspera casuum ludibria. Ecquis enim adeo tutus ab iniuria hominum est, vt sine offensa vitam omnem decurrere possit? Ecquis adeo certus rerum fortuitarum et nocentium censendus est, vt iacula Iouis bruta, ictus calamitatis ridendos, vias fatorum imprudenter negligendas esse opinetur? Plena insidiis vita, beatus ante obitum nemo est, A. ni-

hil nobis a natura datum immutabile, fixum ac firmum putemus praeter animum bonum scelerisque purum, nihil nobis statuamus perpetuum ac stabile praeter scientiam rerum vsu confirmatam. Haec enim bona nullius tyranni potestati subiecta sunt, haec non pendent ab imperatorum voluntate ac arbitrio, haec nec fauore aulicorum consistunt, nec minis, pugionibus et rapinis militum patent, nec in ipso naufragio pereunt. Mens proba, numis et fortunae telis inaccessa, vbique terrarum a latronibus tuta est, vir sapiens in ipsa mundi ruina secum portat opes incognitas plebi, inaeestimabiles vulgo, incommodas malis hominibus, solus is miser putandus est, quem voluptates foedae nuptiaeque sceleratae ante annos legitimos perdiderint. Quid enim homine liberali est indignius, quam dissolute viuendo vires corporis temere consumere, mentem scortando hebetare, ac omnem humanitatis sensum exuere vitiis pessimis? Quid abiectius, quid turpius, quid flagitiosius, quam venere nimia,

vulgiuaga, facinorosa, corpus iterum iterumque polluere, qualique perpetuo rore distundere?

At vero, A. hae nugae doctae sunt, hae ineptiae philosophorum splendidae, qui virtutem e cathedra, vt dominam, publice praedicant, eamque domi, vt famulam arcani sceleris, inter Laidis amplexus lasciuie prostituunt atque profanant. In memoriam reuocate ingenia et mores hominum, inspicite in eorum vitas, tanquam in speculum, inquirete rationes viuendi subductas, quas quisque, spreto prudentum consilio, recte ac commode sequendas existimat, repetite noua morum et politices praecepta, quae ab vtilitate profecta, ab pudenda leuitate animi ac ambitione dictata, plurimum valent ad opinionem virtutis ex hominum animis expellendam, quid, quaeso, in hoc lubrico vitae cursu nobis superest, nisi vt alius aliam sibi ad libitum fingat pulcri, boni, honesti et diuini notionem, neque amplius curet seue-

seuera Catonum iudicia? Nihil enim refert deum esse credas, nec ne, modo ciuica munera obire, ac vectigalia pendere possis, nihil interest, caste, an spurce viuas, modo, vt Cocles insanus, te summis vitae periculis pro republica vel rege obiicias, nihil denique prohibet, quo minus vir bonus, doctus, magnus, fortis, strenuus et amabilis habearis, modo sis sanguine generoso natus, vel aulae potentum innutritus, vel mulierum fauore ac patrocinio in secretum admissus et altiori loco positus. In his enim bonum, praeclarum et excellens est, quidquid demum egerint vel dixerint, neque quisquam prudens audebit eorum mores, vitia et probra publice redarguere, cum dudum apud nos praua, inhonesta et turpia esse desierint. Hos strenue imitari cum maxime laudi ducitur, hos cominus intueri, admirari, suspicere, colere, honori summo est, hos vitae moderandae duces, hos fortunae praesides, hos praeclaros amorum magistros sequi fas est. Sic itur ad astra, sic celebratur fama!

Hac

Hac persuasione dulcissima fretus, hac communi hominum opinione ac licentia usus, a Vobis, A. veniam peto, eamque me habiturum spero, si iam hoc in conuentu sollemni *gonorrhoeae praeconium* ita verbis exornem, vt ea placeat omnibus, si ego medicus, cui nihil indecens vel indecorum est, quod hominum corporibus acciderit, isthoc VENERIS dominae spolium, vt rem excellam ac votis omnibus expectandam, sollemniter collaudem, si rem omnem ita peragam, vt Vos ipsi hoc in fluore suauissimo, blandissimo, lepidissimo, non quandam famae turpitudinem, sed laudabilem naturae instinctum et indefessam virium praestantiam cognoscatis. Jam ergo adeste animis, fauete linguis.

Est hoc quasi hominum mentibus insitum et cultura ingenii satis confirmatum, A. vt quisque de se suisque rebus perlubenter ac liberaliter differat, nihilque bonum, praeclarum, excelsum vel magnificum existimet, nisi quod vel ipse fecerit,

vel

vel bene senferit, vel vfu et confuetudine expertus probauerit, quidni idem illud ius amantibus et lafcuiis obtinere liceat? Etenim

militat omnis amans, et habet fua caflra Cupido.

nullus conflictus eft fine vi ac noxa corporis, nulla datur pugna fine vulnere, nullum committitur proelium fine iactura virium et membrorum mutua, ideo ne dedecorofum eft amatoribus, quos furta VENERIS delectant, fuas numerare clades, fuas gloriari victorias? Strenuus et imperterritus miles ab imperatore in caflris praetoriis ob rem praeclare geflam magnifice laudatur, miles ftrepitu armorum clarus et vulneribus multis aduerfo pectore notatus publice ad imitandum proponitur commilitonibus, nonne is, qui diuinae VENERIS caflra fequitur, eodem vtatur priuilegio, iisdem fruatur honoribus? Plures funt corporis laefiones, quas nepotuli venerei ftrenue ludentes ab amica
acci-

accipiunt vicissimque reddunt, at vero iam abeant illa praeclara insignia et trophaea, satis est nobis collaudasse gonorrhoeam amabilem.

Quaeritis, A. quae quidem illa sit? Cur, amabo, Vos subito fingitis rei tam optatae et delectabilis inscios? Cur pudicitiam Vobis primam, et adulteria clandestina prorsum ignota esse mentimini? Video enim inter Vos permultos mulierum sectatores, multos amafios, multos VENERIS com-militones, multos in castris dominae laudabiliter faucios, et colore oris gonorrhoeico satis superque proditos. Non est pudor referre inauspicatos naturae impulsus, non est ignominia dicere membra, quae salubrem corporis impotentiam pepererint, hinc accipite rei ac mali nomen longe accommodatissimum.

Est vero *blennorrhoea* vel *gonorrhoea* mucosus mentulae fluor, sensu suavis, titillationi libidinosae affinis, voluptatis im-
pru-

prudenter decerptae index ac interpres, ideoque magis dicenda videtur molestia corporis, quam morbus. Quod si nobis, nemine refragante, datur atque conceditur, est profecto *gonorrhoea* legitima amoris proles, est genuina concordiae et amicitiae venerae filia, est res prisca quidem incognita, et nuperis seculis clam importata, ut opera Anglorum vetita, sed vero omnium mercium longe *praestantissima*: Promouet enim corporis animique commoda. Mentula dolet, sed grata tamen est congressus amatorii memoria, mentula plorat, at vero suauiter tollit peccata carnis, mentula male turget, sed expellit tamen humorem morbosum, abstergit partem affectam et mundat, vsuique amoris futuro salubriter aptat, eamque ob causam gonorrhoeam praestantissimum valitudinis recuperandae praesidium appellare licet. Si, auctore HIPPOCRATE, optima corporis constitutio periculosissima habetur, si habitus athleticus, plenior, speciosior, coloratior, teste CELSO, non potest diu consistere, neque

que ultra progredi, sed fere retro, quasi ruina quadam, reuoluitur, magnae profecto vtilitatis futuram putemus eam vacuationem, qua blanditer exceptum amoris virus sponte propellitur, ex obscuro loco in publicum exit sine vi atque iniuria, et metuendas corporis calamitates sine vllis expensis, sine vllis remediis commode auertit: Excusso humore corrupto, redit protinus membrorum vigor, firmitas corporis et constantia virium scilicet.

Est etiam A. *gonorrhoea* res *modestissima*. Quid enim in societate ciuili modesto homine acceptius, quid amabilius, quid honorificentius putandum est? Solet vero ille sibi solus sufficere, non gloriari de alienis, non magno honorum et titulorum comitatu incedere, at enim eadem modestiae et mansuetudinis laude exornanda dulcissima gonorrhoea est. Mentula male se habet, sed sua sorte contenta manet, mentula vehementer inflammata tumet, vrit et torquet, at vero sensus veneris malignae labris

com-

compressis minuitur, mentula male tenditur chorda venerea, at ista veteris gaudii nuncia pro adiumento mali est, mentula crebris amoribus lassâ, debilitata, ausis lapsa, turpiter caduca et braccis laxis conclusa humum demisse ac prudenter respicit, humoremque acrem patienter destillat, aeger vero peccatorum probe conscius et solitudinis amans non amplius grassatur in mulierum pudicitiam,

Est *gonorrhoea*, A. res *constantissima*. Non enim subiacet amantium precibus, non votis aegrorum mollibus flectitur, non mouetur blando mulieris alloquio, non tollitur furentis militis minis ac gladio, non grauib. emissarii verbis in melius abripitur, non fugatur subitis medicorum formulis. Suo tandem tempore ac ordine isthoc profluuium longe iucundissimum leniter decurrit ad metam, expulso loci affecti stimulo, vel sponte quiescit, vel cito sedatur medicamentis leuissimis.

Est *gonorrhoea*, A. rerum omnium *fortissima*, omnique potestate humana superior. Si quis enim isto exornatus praemio atque praeclaro decore insignitus ex diuae VENERIS castris redierit, circumcirca videt plurimos commilitones saucios, aequali corporis labe contaminatos, intra se de praeliorum exitu tristi murmurantes, et pugnae singularis impatientes, at ille magnanimus et lepido HVNTERI praecepto impulsus ad pristina gaudia redire nititur, ut puellae innocentis sinu se restituat, sed virium impotens ipso ausu destituitur.

Est ergo gonorrhoea censenda aequa meritorum index, strenua malorum vindex; Etenim more tyranni promiscue dominatur in hostes victos ac ciues, infirmos cogit dura iussa exequi, nudos mandatis obligat, neque dimittit eos liberos, nisi sacramento interposito, ut ad signa et vexilla VENERIS dominae armati ac viribus bene confirmati proxime redituri sint.

Est

Est gonorrhoea, A. humanissima et liberalissima domina, a partium studio aliena, benevolens omnibus, fauentior nemini, aequabilis in suos cultores, parcens hostibus, inseparabilis aulicorum socia, militum umbra perpetua, doctorum subtilium patrona, plebis proteruae fautrix, fida pauperum comes, ideoque omnium bonorum alma parens, arctae amicitiae nutrix tenacissima fidissimaque existimanda. Ecquis enim est tam excors atque imprudens, ut in gloriosa huius diuae tutela per omnem vitam esse nolit? Ecquis adeo stultus et vanus est, ut oblata valetudinis redintegrandae spernat atque reiiciat beneficia? Imitatur vero gonorrhoea munifica blandam matronae honestae indolem, quae suas pupas baliando vniis excipiat, suis molliter blandiatur, suorum fortunis prospiciat, mala imminentiâ suauiter arceat.

At vero habet gonorrhoea suas insidias, fraudes, prauitates, noxas, habet sua detrimenta et incommoda! Esto, sed haec
illa

illa sunt perpauca , sunt aegris salubria, sunt denique omnium iucundissima. Quicquid enim aduersarii et hostes huius profluuii pretiosissimi attulerint in contrarium, summa tamen ei vtilitas, suauitas, voluptas atque liberalitas inest. Quas virtutes laudabiles si cum ceteris corporum malis comparaueris, ea profecto est omnium leuissima, placidissima, liberalissima. Et enim illa non alligat aegrum lecto, vt mala phthisis et febris pessima, non impedit ac contrahit pedes, vt dura podagra, non vrit et vrget affecta membra, vt rheumatismus, non stupefacit festiuum caput, vt lethargus grauis, non praestringit oculos, vt ophthalmia, cephalalgia, vertigo caduca, sed prudens *mali* honestissimi *deceptrix* apud vulgus nominanda videtur. Patent cetera corporum vitia oculis hominum auidis, at vero intus latet gonorrhoea, velata, vt pudica virgo, occulta, e conspectu omnium sublata, et soli medico, vt mystagogo, aperta, eiusque verbis fictis apud curiosos placide mollienda. Marcet aeger, quid inde?

de? Infirma et phthifica matre natus est. Pallet ille, hoc vero nihil est: Amat forte bellam lepidamque puellam, ac eius amore clandestino consumitur, forte libris doctis interdum ac noctu adeo insudat, ut sibi temperare nequeat. Foedus luteusque color cutis et oris illi subest, at vero isthoc signum est lubricum: Vehementer enim laborat praecordiis. Immundum cernitur indusium, contaminatur bracca liquore fuluo, atqui vero isthoc symptoma non tanti habendum existimemus, quanti censores morum duri et inexorabiles Catones decreuerunt. Quid? si somnio suavi et ludibrio noctis tactus se circumcirca polluerit?

Est A. *gonorrhoea* longe *fertilissima* morbi forma. Virus amatorium se molliter insinuat intra hastatam et iam ab opere collabentem mentulam, ut clandestina voluptatis suauissimae pedissequa, hinc inde gliscit per meatus occultos, afficit glandulas mucosas, stimulat membranas, concitat et auget secretionem humidi, sed ita, ut
natura

naturam prolificam vniuerſe ac perpetuo retineat. Sit gonorrhoea ſimplex, ſit venerea dicenda, nihil profecto refert, ſemper tamen inſitae naturalisque formae adeo tenax eſt, vt eundem morbum omnibus beneuole affricet, et hinc ad plures tacite propagetur, ſimili prole gaudens, vt matrona caſta vnoque viro contenta. Reſtat denique A. hoc in corporis vitio dulciſſimo maximum et portentofum naturae miraculum. Vir enim amans gonorrhoeam nobiliſſimam ab femina, at vero femina lepida ab mare in complexu recipit, neque iſta vis inſita et naturae propria, mutato caelo, proſum diſſluit, vel omnino perit, quo demum cunque pars cariſſima diſceſſerit. Omni enim terrarum orbe ſexus alter alteri clam ſimiliterque iſthoc formae praefidium et corporis bonum, quod inter amplexus dulci ſinu acceperat, reddere non dubitat.

Est gonorrhoea continentiae commendatrix, otii liberalioris cultrix, pietatis ſincerae magiſtra. Nolite mirari A. iſta

paradoxa et insolentia verba, credite medicis rei tantae tamque praeclarae peritis, redite in memoriam aegri sacris gonorrhoeae initiati, deinde rem omnem ex aequo et iusto iudicate. Erat is nuper frequens feminarum adfectator et comes, iam fractus corpore, velut luxato, solus et tristis in cubiculo ambulat, poenitens vitae pristinae, cupidus noui consilii. Erat nuper popinarum et ganearum grassator, ut amoribus et adulteriis crebris in omni vrbe inclaresceret, iam domi haeret, ut sanctus eremita, sorbitione medica damnatus. Erat nuper scortator comtus, veste serica et fimbriata indutus, nepotulorum more delinitus vnguentis fragrantissimis, ut cupidis puellis doctisque matronis perplaceret, iam coma demissa, barba horrida, bracca laxa et parte viri profusa contentus est, et hircum turpem ac medicamenta olet odiosa. Erat quondam vectus per urbem insigni equo et rheda deaurata, ut in conspectu omnium esset, ut luxu Persico et splendore Luculiano admirationem sui apud omnes faceret,

vt prae aliis idoneus et carus mulieribus esse videretur, iam sibi modeste vixit, iam suo languori agit gratias, et, spreta vulgi opinione, valitudinis restituendae curam gerit maximam. Erat nuper egregie largus, sui profusus, cupediarum deliciarumque amans, rei carae et pretiosae percuriosus, vt lecto aethereo fatus ac recreatus iaceret, et gaudia noctis suauissima maximi redimeret, iam parcus, egenus, auarus est, et mercatorem intus agit totum in rationibus putandis, ineundis, subducendis, idque peragit commode foribus reclusis, ne quis durus et importunus creditor clam adueniat. Erat olim vetularum et lenarum adfecta strenuus, vt ex commentario sibi virginis esset deflorandae delectus et matronae cuiusque tentandae copia, iam est rei vene-reae abstinens, cautus in periculis, prudens ad consilia: Est enim funerata ea pars corporis, qua quondam erat ACHILLES fortissimus.

O praeclarum gonorrhoeae donum, o inaeestimabilis diuae VENERIS liberalitas! Tu

enim, alma parens, furorem iuuenum, licentiam virorum, auiditatem senum iuste perdomas, tu voluptatum illecebras fortiter reprimis, tu cupiditates effrenas potenter contines, tu insanos et prodigos ad bonam mentem et morum castitatem egregie redigis.

Est *gonorrhoea otii* liberalioris *parens* et *cultrix*, illudque amoris spoliū longe maximum ac splendidissimum apud omnes existimandum esse censeo. Videtur enim gonorrhoeicus esse maxime otiosus, cum in cubiculo, tanquam custodia et carcere detentus, quiete sedeat, et tamen in otio iusto minime otiosus est, sed tempus umbraticum callide ludit, totus in libris legendis versatur, sibi salutique suae anxie prospicit, experimenta in proprio corpore agit. Iam enim desit esse Epicureus, et subito factus est grauis Stoicus atque summus physicus, ut naturam mali bene perspiciat, iam factus est chemicus, ut mistionem muçi et viri profluentis reagentibus rebus apte detegat, iam factus est per noctes

ctes infomnes astronomus, vt ex positura MARTIS et VENERIS verus fons et origo fluoris amatorii aperiatur, iam attendendo cruces et miserias corporis proprii factus est medicus expertus, vt in posterum visa morbi erudite commentetur, iam factus est orator facundus et disertus, vt dolores suos et delinimenta VENERIS describendo commiserationem audientium habeat, iam factus est propria experientia scriptor morbi blandissimi eximius, vt olim strenuus eques HVTTENVS, vt misere vexatus GRÜNBECKIVS.

Est *gonorrhoea* potentissima *pietatis magistra*. Bene nostis A. mores et ingenia peccatorum, qui, sibi coepta lasciuendi licentia, deum esse, flagitiorum ultorem et vindicem, magnam esse religionis et conscientiae malae vim, vt sero sapientes Phryges, ultro citroque profitentur. Dolet gonorrhoeicus, sed poenitet facti, dulcia olim meruit, iam patienter gustat amara, mentula improba, nolente ac inuito domino, stricta, tensa, ad venerem para-

ta arrigitur, at ille dedidicit amoris fallentis incitamenta, scincum marinum, electuarium diasatyrionis, pulueres laetificantes GALENI et tincturas aphrodisiacas, fuit olim solutus luxu, fuit vino et epulis lautis oncratus, iam sibi cantus a ministerio VENERIS temperat, vt aliquis e sacro cucullatorum collegio, et libens abstinet omnibus ludicris, vili ac tenui ptifana contentus, olim lusit puer elegans, et vixit clarus adulter, iam gratias lasciuas et veneres molles procul abesse iubet, iam definit quaerere voluptatem robustam, cui quam maxime impar est, iam quaeuis irritamenta cupidinum missa facit, vt sobrietati morumque castimoniae proprio periculo doctus studeat. Aduolant serui venerei strenuique combibones, vt ignes nouos fracto subiciant fraterculo, is vero molestam crapulam simulat, mentiturque malum stomachum, instant et vrgent illi cauillatores, offerunt pocula coronata, sistunt ante oculos illecebras amorum blandas et lenonias, is vero tentantibus pectus obiicit triplici aere munitum, et

per-

permanet immotus, tanquam Marpesia cautes.

Saepe noster strenuam nudatamque militiam exercuit, iam eam ludicram, indecoram, illicitam et turpem esse existimat. Saepe hastatus stetit, victoriasque gloriosas, vt imperator VENERIS summus, iterum iterumque reportauit, iam luget penem languidum et perpetuis amoribus oppressum. Ille olim passus est ab conflictu mutuo crebras corporis animique noxas et reciduas malorum flebiles, iam per deos deasque omnes, per IOVEM, scortatorum principem, per VENEREM diuam furtiuis amoribus claram, per Musas furti cupidas, obtestatur et iurat se nunquam cum falsis, impuris et vsurariis feminis rem esse habiturum.

O miram, o stupendam, o irreprehensam gonorrhoeae nobilissimae vim atque praestantiam! Date A. iuueni lasciuo isthoc mentulae vulnus illaetabile, date militi prurienti et flagranti hoc fluoris gratissimi insigne, et vterque illico lassus, fractus, imbellis, inermis ac famae pudore suffusus e proelio discedet. Date puellis viro.

virorum cupidis, date voluptariae mulieri
sinum lacrumosum, tristem venerci lusus in-
dicem ac proditorem, et illico deflagrabit
pudenda cupiditas scilicet. Nihil enim ad
stimulos veneris extinguendos potentius,
nihil ad ardorem voluptatis reprimendum
aptius, nihil ad mores iuuentutis bene in-
formandos certius, nihil ad vitae integra-
tem reuocandam praestabilius gonorrhoea
clarissima, humanissima, modestissima est.

Vos ergo, commilitones, gonorrhocam
illustri stirpe nobilitatam. claram diuorum
sobolem, excelsis atauis genitam, et quasi
per traducem nepotulis venereis traditam,
ne temere spernite, sed summa honorate
reuerentia. Quaerite amasias, et commit-
tite pugnas, (nam per liberaliorem homi-
num sententiam, per maiorem seculi nostri
licentiam, legibus bonisque moribus obfi-
stere fas est) at caute sedulo, ne vulnere
indecoro notati hinc discedatis, sectamini
castra diuae VENERIS sine fide ac pietate,
vt milites fortes decet, sed agite, vt velites,
ne crimen turpitudinis ac famae notam per-
pe-

petuam incurratis; abiicite fastum sublimem et spiritus altos, ut hastati, ut principes, ut triarii in exercitu venereo esse laboretis, (sunt enim posita in insidiis turpia VENERIS trophaea) denique, o iuvenes praestantissimi, si boni, si bene morati, si mente vegeti, si viribus corporis validi ac integri, si futurae salutis et connubii durabilis providi esse cupitis, fugite, o fugite quam studiosissime amores vagos, inconstantes, promiscuos, meretricios, (non enim tuto creditur ripae) fugite, o iuvenes carissimi, mulieres arte amandi claras, amoribus callidas, et corrumpendis moribus egregie institutas, ne flos corporis animique decor ante tempus infringatur, redite, donec res est integra, ad doctos libros, securissimum perpetuae et bonae famae praesidium, ne post ignes turpes, post pugnas illaudabiles, post impudica certamina, liberis educandis alimenta subministrare iubeamini. Sin vero, spretis bonis consiliis, vobis potior salus in venere vulginaga quaerenda et ponenda videtur, res vestras cum
gonorr-

gonorrhoea dulcissima agite feliciter, sed
prouidete tamen sedulo, ne aliquando, si
serum est, verbis PACIFICI MAXIMI Pria-
pum, veterem scortatorum patronum, fle-
biliter precari cogamini:

*Tu meum, si non properas sanare priapum,
Decidet: Heu, non hoc nobile robur erit!
Ante meis oculis orbatus priuer, et ante
Abscissus foedo nasus ab ore cadat!
Non me respiciet, nec me volet ulla puella,
In me etiam mittet tristia spara puer.
Laetior, heu, toto me non erat alter in orbe!
Si cadet hic, non me tristior alter erit.
Me miserum! Sordes quas marcidus ore remittit,
Vlcera quae foedo marcidus ore gerit!
Adspice me miserum, precor o per poma, per
hortos,
Per caput hoc sacrum, per rigidumque trabem,
Hunc ego commendo tota tibi mente, Priape,
Fac valeat, fac sit sanus, ut ante fuit.*

II.

CALVITII

ENCOMIUM



Si quid est, A. summis votis et ardentissimis precibus a deo immortali expetendum, certe nihil datur in omni vitae cursu optabilius, nihil homini praestantius atque praeclarius bona integraque valitudine. Ecqua enim salus durabilis speranda, ecqua felicitas exoptanda videtur, cum corporis membra dolor vehemens vrit atque fatigat, pes turpiter claudicat, impedita vel demta spiratio suffocationem misero minatur, et caput carum ita constringitur, ut omnis integritas et constantia mentis penitus pereat? Haec enim male habitat, si corpori male est, haec libera, excelsa, sublimis, deo proxima esse videtur, si quisque ingratus partium sensus procul afuerit. Est nobis, A. insitus-firmiterque ingeneratus bonae valitudinis amor, est dulcissima corporis

ris integri cura, est commissa nobis eius tutela naturae beneficio, est denique posteris quam maxime venerabilis priscorum religio, qui bonae menti, pietati, virtuti, pudicitiae, fidei, spei, clementiae, salutis, concordiae, libertati, fana et simulacra consecrabant, ut cuique viro bono pia superesset supplicatio, at vero A. haec instituta prisca, haec praecepta antiqua et obsoleta, haec verba sunt vana et irrita, hanc veterem sapientiam prudentiores periculo facti dudum despiciere didicimus. Omnis enim vitae ratio ita instituenda est, ut, quae probantur in aliis, facere ipsi velimus, et probatam experimentis elegantiam morum vel cultus in exemplum moderationis iustae intueamur.

Quae vero est literato viro beatitas censenda, si corpus eius magnas athleticorum vires ab saginis habuerit, si exercitio crebro membra valida et lacerti robusti, si declamatione perpetua latera firma sint, si ventris proiectio et moles immensa, si pondus

dus

dus cum bono habitu grauissimum factum
 fuerit? Non placet amplius ista ingens et
 molesta corporum sarcina, iam dedecet ista
 gladiatoria membrorum firmitas, qua men-
 tis vigor et agilitas hebetatur, et ipsa con-
 scientia eliditur, iam habetur labor quis-
 que improbus, qui spiritus aethereos im-
 moderatius exhaurit, iam superflua et inuti-
 lis iure meritoque iudicatur multiplex ci-
 borum potuumque copia, quae sapientiae
 amantes intentioni ac studiis acrioribus in-
 habiles reddit, quid ergo, A. in hoc re-
 rum opinionumque lubrico faciendum est?
 Nihil profecto, nisi ut tandem aliquando nos
 ipsos noscamus, ut falsa expellamus prae-
 cepta de bonis et malis, ut magno abiiciamus
 animo vitia ingesta et corporis firmandi vi-
 taeque prorogandae praesidia, quae nupe-
 ra medicorum ambitio scripsit. Sic enim
 feruntur homines ad praua et peruersa, sic
 aguntur ciues in praecipitia! Nihil pro-
 fecto iuuat membra ambulatione strenua,
 saltatione ludicra, gestatione commoda,
 curru splendido, equis phaleratis et quauis
 arte

arte docta sic conculcare atque percellere, ut vires hinc paullo fluxiores ac imbecilliores fiant.

Abfint ifta fallacia, speciofa, infidiofa et ærumnofa bona, A. fequamur tandem aliquando meliora vitæ moderandæ confilia: Potior enim falus et fuma hominum beatitudo in membrorum leuitate ac debilitate corporis inuenta eft. Haec enim mollis et infirma conftitutio, medicis nouis recte iubentibus, normalis omnium dicitur, hæc circumfcripta virium potestas, hæc cutis artuumque laxitas, hæc oculorum concavitas atque profunditas, hæc digitorum tenuitas crurumque gracilitas, ita comparata et conformata eft, ut ad fenfum hominum liberaliter educatorum plurimum valeat. Nemo noftrum hac ætate tam inelegans atque imprudens eft, ut ore speciofo, rubro et turgido puellas rufticas imitari, torofa ceruice ac ventre prominente præfcos Germanos ac faginos prædii conductores referre, pectore quadrato

et

et hirsuto pugiles firmos repraesentare, Herculeisque humeris delicatulos homillos perterrefacere laudeat. Transit ista corporis robusti gloria bonis sub auspiciis, abiit, euasit ista peruerſa maiorum opinio, euiluit ista patrum perſuaſio, ridiculae ſunt apud omnes iſtae pulcritudinis praestigiae et nūgāe ſollertiſſimae, exceſſerunt demum iſtae verborum phalerae, vt quaedam peſtes hominum, vrbe ac Europae cultioris finibus! Iam omnium communis factus eſt ſubtilis corporum habitus, qui radios ſolis pellucidos et facile recipiat, et viciffim reddat, iam placet ſpiritus venere tenuis et triftis pallor amantium, quibus oſculum vnum, vt olim CHARMOLEO, duobus, vel vna nox in lecto aetherio tranſacta tribus talentis conſtiterit, iam bella exiſtimatur macies corporum larualis, quae cutim contractam et eminentia genarum tubera ſtupentibus oſtendat, iam vmbrae hominum leues, aridae, exſuccae, exſangues, torridae, pedibus facietis ac cruribus mollibus per vicos et compita ſe aegre trahunt, et ciuium omnium

admirationem summam habent. O quanta est rerum hoc seculo facta conuersio! O quam excelsa temporis nostri felicitas! O quam amabilis libertas scelerum data! O quam ambitiosa liberi a praeiudiciis animi praesensio!

Hac fiducia populari confirmatus A. non vereor, ne vobis turpe videatur pro re olim foeda et ridicula, iam vero excellentissima et urbane homine dignissima publice verba facere, hac prospera rerum et opinionis publicae commutatione incitatus non timeo causam insolentem et ab pristina consuetudine abhorrentem serio atque paullatim defendere, ideoque, quaeso, a vobis peto, vt mihi *caluitii laudes* peroranti detis veniam huic loco accommodatam, vobis non molestatam, omnibus auditu facilem. Quod si mihi in hac lubrica defensionis ratione a vobis tribui, dari et concedi sentiam, vestra humanitate ac patientia ita vtar, vt in posterum et vobis, et bonis ciuibus caput nudum, depile, radici-

dicitus detonsum, glabrum et ad cutim vs-
que laeuigatum non dedecori et ignomi-
niae, sed summo esse ornamento et honori
perhibeatur. Praebete mihi aures faciles,
placidam mihi facite audientiam.

Erat olim mos viris grauib. crinem
prolixum alere atque effundere, sine vlllo
artifice quaterere, spargere, rarius obliquare,
vel modo simplici substringere, erat sum-
ma inde a priscis temporibus promissae
barbae apud viros, comae cirroque crispa-
tae comae apud mulieres reuerentia, vt,
qui talia commenta negligeret, homo tur-
pis ac dissolutus haberetur, erat sub Caesa-
ribus Romanorum tantum crinis dispositi,
fului, tincti et in gradus formati studium,
vt molles ministri diligentia ingenti et ca-
lamistro cultum ac ornatum varium adhi-
berent, et comam illuminatam auri ramen-
tis distinguerent. Solebant etiam magnae
auctoritatis viri capite tecto et bene
crinito in vulgus prodire, vt maior ab
eius velo elegancia et honos praecipuus

apud omnes esset, solebant homines belli et delicatuli summam primae lanuginis curam habere, doctasque capillorum species ita digerere, ut ne quis rectiori coma insignis crispulis temere misceretur, solebant denique feminae, quae formam oris et ornatum corporis excolebant, crines gerere molliter pexos, super humeros eleganter fluitantes, belle intortos, acu gemmea nexos, nodo vinctos, redimiculo splendidos, ut ista compositione docta oculos et cupiditates virorum ad se attraherent, et, ut paucis multa complectar, placebant iuvenes barba comaque nitidi, suauior erat puellaris forma ab capillo digesto, pectine explicato, vnguentis delibuto, contra foedi, spurci ac sordidi homines habebantur, quibus capilli hirti, horridi, intonsi, incomti, impexi, scissi, demissi et sine ordine ab humeris defluebant. Tantum enim decoris et capitis cari studium esse credebatur, ut vel ipsi docti et clari viri tumidum philosophorum fastum riderent, qui barba non caesa, squalida et implexa praeclari, magni

ac venerabiles apud vulgus esse vel videri cupiebant.

Noſtisne A. acerrimum illud Hebraeorum puerorum dictorium, huc adſis, bone calue? Sed quid inde? Mittamus illa obſoleta petulantis linguae conuitia et probra, cum fata neminem mortalium per omnem, vitam illaeſum, et extra fortunae ictus poſitum transmittere ſoleant, diſcutiamus iſtas cari capitis delicias, iubas criſpas captionesque crinium ludicras, abiiciamus anxiam formae et lenocinii curam, et, vt homines temporum, opinioni communi ac loco prudenter inferuiamus, cum aduerſus tam potentem et explicitum ciuium furorem nihil philoſophia valeat. Iam enim omnia in vrbe ac orbe facta ſunt commutabilia, vernalia, fortunae procerumque arbitrio commiſſa, iam virtus, pudor, innocentia, honor, fama, iuriſiurandi religio, veritas, libertas, dignitas, vana ſunt nomina, iam vaga voluptas ab omni parte quaefita vniuerſis ac ſingulis ciuibus ſine pudore probatur,

batur, iam vulgati corporis vilitas et prostitutio censetur affabilitas, comitas, elegantia, iam decori et honori ducitur corpus habere ita luxu maceratum tenuatumque venere, vt luminis instar clarissimi egregie splendeat, atque instar cornu pellucidi niteat, nec digitus levis aspero tactu molles seminarum manus laedat, iam in laude summa est virum nec ex genis, nec ex capite ostendere, sed mento imberbi et laeui puerum, vertice glabro senem maturum ante annos referre, iam licet nobis talem hominis speciem, vt exemplar cultus magnificum, ad imitandum sumere atque proponere, qui pectore molli, ceruice imbelli, dorso depilato et crure gracili hinc illinc, tanquam elumbis et ebrius, vacillet. Ideone, A. cum talis omnium ciuium sensus sit, et in ipso incessu appareat expressa vitae membrorumque mollities, tanti putemus fluentis capilli deformitatem et corporis nudi probra, vt hinc aliorum risus et iocos illiberales muliebriter metuamus?

Exulet ille, si natali loco amplius morari

rari nolit, abeat, si cum iusto domino in posterum viuere ac senescere recuset, transeat in perpetuum, si possessori nobili dicam scribere audeat, pereat isthoc bonum corporis aduentitium, leue, fugax, quod natura homini alendum ac fouendum mandauerat, neque vero eius fuga generoso alicui turpis, vel dedecorosa curatorum formae esse poterit. Aeger enim febrem acutam passus sibi praecclare plaudit, si capite nudus, implumi lepori et homini Platonico persimilis, ex grauissima valetudine saluus euaserit, at tamen ille sine vlla famae macula discedit; puerpera a partu exurgens lectum mollem cum comae densae longaeque iactura ita dimittit, ut ei amicae omnes suauiter condoleant; phthisicus a medicis desperatus et conclamatus mortem imminentem ac praesentem sic exspectat, ut ne tristes quidem verticis exuias illi cum cadauere macro relinquat, quidni idem capitis ornamentum fluxum atque caducum in iuuenibus ac viris festiuis admiremur? Quidni intervalla comae lucida laudibus summis

apud

apud omnes efferamus? Hunc enim exitum certum ac meritum clari VENERIS amici habuerunt, haud ignari vel bello inexperti summa facinora incipi cum periculo famae, gloriae, vitae, mortis, sed laudabiliter fieri atque peragi cum praemio et dono facti splendido. Ingeniosa VENVS diua est, A. succurrit audentibus, adiuuat fortes, nunquam destituit lassos viribusque fractos, tandem pugnaces et strenuos conuenienter coronat. O quam digna culti numinis merces, o quam gloriosa est caluata amantium caluaria!

Quid, amabo, in capillorum casu foedum, quid in glabri hominis vertice turpe, quid in capite belle depilato vel male gale-rito irrisioni accommodatum est? Nihil ego, ita me Veneres omnes ament! video. Ista enim formae pulcritudo ab experimento suauissimo nata, hoc capitis ornamentum pretio inaeestimabili datum atque redemptum est. Quot partium vulnera sunt, tot corporis insignia, certissima virtutis praeclarae

clarae operaeque strenuae indicia, quot floris
decerpti vestigia sunt, tot inscripta VENERIS
dominae signa eminent. Fluunt capilli molli-
ter pexi, nos vero non moramur caduca et
inertia capitis praepudia: Facilis enim ista
iactura sepulcri viuis est. Vertex glaber ga-
leaeque naturali priuatus apparet, at vero
nihil refert: Non enim amplius opus est ad
eradicandos pilos, vel vnguento sacro, vel
tonforis profani nouacula. Os superum in
adolescentibus ac viris maturis ita nitidum
ac politum est, vt ebur album et orbicula-
tum, vt vitrum splendens et crystallum pel-
lucidam referat, sed hoc etiam nihil est:
Sic enim post mortem corporis non deside-
res anatomicorum operam et industriam,
vt ex aqua molli maceratum et insolatum
demum exalbescat, sic viui hominis capiti
inscriptum graue illud decretum est, me-
mento mori! Ceruix sine crinibus nuda est,
occiput sine caesarie longa translucet, vt
cucurbita pumice laeuigata, sed esto: Ha-
bet et vulla coma suas veneres, habet rara
suas delicias. Vt pastor gregarius raripilum
capra-

caprarum ouiumque pecus miratur et laudat, vt venator, arboribus tempestate radicatus enersis vel caesis, siluam vacuefactam blanditer ridendo adstupet, atque noua satione refarciendam curat, vt gubernator, naufragii certus, quidquid seruari potest, iactura leni redimit, vt victor excelsus post pugnam acerrimam militum suorum paucitate non erubescit, sed pulcrum diem et agmina lucida summis praeconiis censet extollenda, ita non minori laude ac gloria digna in iuuenibus lasciuis virisque lepidis putanda est capillorum raritas capitumque nuditas: Ceciderunt enim illi VENERIS caluae cultu et studio, iam sua cuique facies et forma data est.

Neque vero, A. haec capitis politura magnifica, haec gloriosa voluptatis amatoriae nota ad solos viros pertinet, verum etiam feminae hunc ornatum et cultum corporis habent peregregium: Innumerae enim hodie caluae sunt matronae et virgines, nocte deponunt capillos nexos ac fuco splendidos

didos, et capita cara molesto ac superuacuo pondere exonerant. O quam praeclarum luxuriae donum et amoris documentum caluitium est! O quam iusta et laudabilis munerum VENERIS aequatio! Notissimum celebratur HIPPOCRATIS, maximi medici, praeceptum ab usu et experientia ductum, „*pueris, castratis, feminis, nec capilli fluunt, nec pedes laborant podagra*„ notior rei huius ratio est“ *at illae venere abstinent*, sed, o tempora, o mores! iam bonus senex in mendacio prehenditur. Exulta feminae natura, communi facta virorum vita et licentia, etiam virilibus tentantur et afficiuntur morbis. Adsunt illae heroinae intempestiuus conuiuiis, noctes nobiscum peruigilant, et crebram animarum mixturam faciunt, strenue potant, multo mero viros prouocant, ingestum ore reddunt, fortiterque, ut fortes decet, haustus multiplicant, bacchantur, ut bacchae, in viis publicis, et hortis, atque cum viris canunt lascivie inter pocula coronata, iocis lepidis et oculis venustis amafios aucupantur, et suas nundinantur vene-

veneres, quid amplius, A. vetera, inutilia et falsa capitum decora stupeamus? Aequales vitiorum communitate viris, solutae crebris deliciis, fractae intemperantia summa viribus, sexus sui beneficium dudum perdidderunt, at vero crinibus naturalibus puellae et vetulae per luxuriam destitutae fictitia coma etiam viris auidis placere didicerunt: Dulcis enim amantibus indies nouata et adultera venus est.

Adeste beneuoli et fauentes, A. redite in antiquitatis memoriam, et rem longe magnificentissimam mecum admiramini. En, quaeso, adspicite Iovis optimi maximi statuem, is vero sirenuus feminarum adfectator et raptor capite nudo exsplendescit! Resumite trucem et bellicosum MARTEM, at ille egregie tumet adscito caliendro, ne quis labem capitis foedè contractam illico dignoscat. Arripite hanc VENERIS dominae imaginem, ecce VENEREM caluam, corpore toto expolitam, futili ac textili capillamento insignem! Rapite vinctum CYPIDI-

NEM, astutum deorum hominumque tyrannum, ecce ille fidus VENERIS comes et adsecla nec barbam habet, nec capillos canos, nec nudus amor amat doctum formae artificem! Videte deos deasque omnes furtivis amoribus claras, neque vero illis omnino deest isthoc insigne capitis glabri praëclarissimum. O iam salve, blanda calvitie, cara diuorum soboles! Iam ergo, A, magno et forti animo contemnamus istas lepidi verticis opes ac dotes comae perituras, et nos diis fingamus imitando dignissimos.

Adfer, puer, libros numarios et statuarios, explica Caesares, ostende augusta capita sine coma, sine caesarie splendida. Adspicite A. hancce TIBERII, callidi tyranni, effigiem, qua nihil est pulcrius, nihil comitius, nihil excelsius. En praegracilem et incuruam hominis proceritatem, faciem vlcerosam et medicamentis interstinctam, os dissimulationis plenum, oculos lascivie proiectos et limos, cicatrices a tergo infinitas et stupris pubis ingenuae comparatas, viti-

ligi-

ligines albas ceterasque impressas cuti plagas, et prae aliis nudum capillo verticem, nobilissimum secessus Capreensis spolium! Intuemini hunc CALIGULAE vultum, o quam diuinus is est colore pallido, ceruice gracili, capillo raro, circa verticem nullo, dorso hirsuto! Tollite hoc Caesaris CLAUDII simulacrum, o quanta in bona statura est capitis tremuli, destituti et emendicatis capillis adpersi deformitas! Efferte istam NERONIS, tyranni crudelissimi, imaginem, o quam elegans homo ille est, o quam clarus lupanaribus et diuerticulis grassator, o quam insignis corpore maculoso et foedo, calua nuda! Attendite hunc GALBAE numum, sed is imperator praecaluo capite omnibus adeo notus erat, vt ne miles improbus illud truncatum capillo prae caluitie arripere potuerit. Accipite hunc DOMITIANVM, callidum sceleris dissimulatorem et doli machinatorem expertum, coma in adulescentia nobilem, in aetate pro-
vecta deformem caluitie, ac obesitate ventris crurumque gracilitate admirabilem, vi-
dete

dete istum OTTONEM, vxoris suae moechum,
 vulso corpore; galericulo propter capillo-
 rum raritatem belle adaptato, vt grande
 oris dedecus et insolentiam formae tegeret,
 miramini hunc OPILIVM MACRINVM, caluum
 tuberosissimae frontis moechum, denique
 reueremini hunc Graecorum imperatorem,
 THEOPHILVM, nudo vertice ac edicto cla-
 rum, ne quis ciuium comatus principem
 forma corporis antecelleret. O quam illu-
 stris et generosa, o quam splendida depili-
 um Caesarum familia est! O quam digna
 capitis glabri excelsitas, cui caelum decer-
 natur! Iam ergo coma fluxa et penitus euul-
 sa inter sidera splendeat, iam ergo caluities
 sancta, lucida, magnifica, in terris semper
 et in perpetuum vigeat! Sic enim homini-
 bus nihil capillorum natiuorum superest, in
 quibus decerpendis, si quando rari succre-
 uerint, vel restituendis, si disiecti fuerint,
 vel belle assuendis, si defecerint, ton-
 sor sedulus horas multas operose transmit-
 tat, sic olim nulla cani capitis cura, sic
 nulla reuerentia rugosae cutis in posterum
 habent.

habenda est. Non enim adsunt vltcrius albi vel fictitii, quos pigmento dolofo artifex inficere, vel medicus decolorare audeat, nec amplius opus est, vt SEIANVS aliquis ad caluorum amores in spectaculis deridendos vtatur raforum puerorum ministerio: Pulcrum enim sine crinibus caput est.

Erat nuper A. apud aulicos et elegantes homines in honore summo capillamentum fictum et cincinnis longioribus ornatum, quo calua vel male capillata, vel gummosa commode tegetetur; erat in vfu apud cléricos et ciuiles galericulus adulterina comia factus, quo ceruicem impudicam et tempora lurida obuclarent, vt bene celati ganeas et adulteria noctibus ebire possent, ideoque ille a BENEDICTO, pontifice summo, grauiter interdictus; erat quoddam hominum genus carum lepidis pueris atque puelis, quod ab cirro et ornatu capillorum lucrum sibi faceret egregium, et turpitudinem capitum arte docta quam comtissime comaret, at vero illa formae comenta,

menta, quae seculi nostri est felicitas, liberalitas atque praestantia, dudum ex animis hominum transferunt. Communis belli per omnem Europam diffusi furor, peruagatus omnibus terris flagitiorum scelerumque amor, praecclarum nouarum rerum studium, hos cinaedorum greges apud nos dudum destituit, hos cirratos et calamistratos homines quam maxime ridiculos fecit, personamque capiti caro detraxit, hos crinium concinnatores vnguentis sordidos, hos artifices egregie puluerulentos et saccarios in militiae disciplinam dedit, ne sine digno artis ludicrae praemio in castra decederent. Sed quid multa? Abiit, euiluit, obsolevit, desit, A. isthoc capitis decus adscitum et mercato cultu proditum, excessit ista capillorum tortorum rabies, subiit grata tonsi ac decurtati pili negligentia, vt habitum et faciem serui ad remos damnati a superis patienter accepisse videamur. Quid tum? Non amplius probatur iuuenis, qui capillorum decessionem arte vel votis mendicare cupiat, ridetur senex, qui specie

formae vana se minorem natu, et caput pilosum dolose fingat. Sequamur ergo atque colamus omnes caluitiem nobilem, quasi honestius atque splendidius sit, quod plures intemperanter faciunt, aestimant, admirantur. Denique opinio publica eos iubet acrioribus facetiis perstringere, qui vel comam pexam ac vnguentatam polline cyprio leuiter adspergant, vel orbem verticis nudum callide tegant, vel capillos veros cultu falso mentiantur. Si communi sententia placeat aulicis, ciuibus vniuersis ac populo caput nudum, horridum, incomtum, si feminae lepidae crinibus ad cutim vsque tonsis exsplendescunt, et vertice caluo ac cano viros aucupari gestiunt, si pueri, iuuenes, viri, senes, sine coma amabiles, si milites truces sine caesarie clari, sine cauda torta et comta martiales esse perhibentur, quidni paullo impensius laudemus ac omni imitatione exprimamus eam formae praestantiam, quae tam egregiis magnorum virorum exemplis recepta, nobilitata et probata est? O praeclara ingenia, o capitula lepida, quibus
nec

nec pilus vnus in vertice, nec naturalis formae species superest! O quam belluli homines, quibus ob nobilissimam glabritiem nec crines veri, nec emta merce ficti amplius in calua sedcant, superemineant, supercrescant!

Quaeritis, A. vnde venerit istud diuinum Glabrionum caluitium, nec immerito. Atqui vero eius origo est longe honorificentissima, est lux natalis pereximia, est ille splendidissimus capitis decor munere VENERIS-partus, fatus, nobilitatus. Habet enim ille excelsa et illustria stemmata, ostendit in censu pallidos maiorum vultus crine radicitus depulso, vertice tonso, iactat claras matronarum nobilium tabulas, in quibus et formam corporis iunceam, et oculos profundos, et genam concavam, veneris immoderatae indices, et omnium maxime caluam putidam ac galero piloso tectam admireris, quid, quaeso, prohibet, quo minus talia tamque excellentia elegantiarum exempla in omni vita constanter imitemur?

Sic enim bona cum venia coram Lepidis male viuere, sic cum pompa et plausu vitiiis communibus inclarescere, sic sine invidia et pudore cum improbis sapere licet, sic bellam mixturam facit cum prudentia forma delectabilis, sic nobilissimus capillorum fluentium splendor ac decor ab omnibus bonis omni opera et omni studio recolendus, sic isthoc militiae venereae viaticum quam citissime rapiendum est, cum perraro quisquam erga bona sua adeo cautus et prudens sit, vt ne quid fortunae opinionisque publicae arbitrio de se committere debeat.

Atqui vero laudatur armata militia, etiam si cum vitae dispendio, periculis multis et fortunarum iactura veniat, summis effertur encomiis militia togata, clientum tutrix, reorum patrona, libertatis oppressae vindex, sed haud raro auctoribus suis perniciosa, ideone inhonestos, turpes ac infames eos existinemus, qui venerea militia praeclari, amoribus perpetuis probati, suas
noxias,

noxias, suas calamitates et cicatrices, sua etiam vulnera, vt eximia corporis decora, publice ostenderunt, et a cladibus belli suauissimi caluam seruarunt quidem integram, sed capillos omnes gloriosa pugna perdiderunt? Ideone imbelles, inermes et inhabiles mulieribus viros eos habeamus, quibus vertex est cucurbita laeuior, quibus crura longe gracillima, poplites minus validi ac firmi sunt? O viros prae ceteris ingeniosos, qui, cum non inguina, non vires vllas habere videantur, vxori quartas, meretricibus decimas dederunt! O homines bellos ac lepidos, qui sibi in militia VENERIS dulcissima adeo indulserunt, vt ne pilum quidem pignori dare, vel comam adulterinam pro fumo vendere possent! O beatos et fortunatos nos omnes, cum tandem aliquando tam insignia naturae mutatae bona magnificere, tam splendida amorum ornamenta et praemia iuste aestimare, colere, reuereri didicimus!

Non


Non est, A. calumnia maligna prae admiratione summa exclamare, o quam eleganter caluus ille est, cui nec comas fictas mittere, nec suas etiam sumere, nec de singulis ordinandis in consilium ire licet! Non est cauillatio friuola et iniusta pro affirmatione dicere, is vero ne pilum quidem ad fidem bonam interponendam habet, nec capillum passum et circum caput negliger reiectum, ut lugentis morem referat, non est dicacitas mordax, sed lusus festiuus et facetia liberalissima publice profiteri, saluus mehercle ille est, cum nec capillum, quo in iudicium trahi possit, amplius in vertice nudo offerat, nec moriens aliquem affigendum foribus relinquat. Militauit ille per annos strenuus in diuæ VENERIS castris, decoxit luxuria corpus, exinaniuit vires, amoribus crebris, iniussu dominae galeam capitis praecox perdidit, sed sine famosi iudicii nota securus abiit: Dulce enim est digito demonstrari, oculis omnium requiri, vultu distingui, et ore vulgi celebrari, ecce, hic ille est, quem nec forma, nec fama mentitur.

titur. Amauit ille in partem voluptatis clandestinae admissus puellas nobiles, matronas nobiles et feminas quasque in stupro virorum compertas, sed comam tortam et comtam cum laude summa posuit, eamque viuus Diti sacram esse voluit, discessit ille iterum iterumque victor praelio, sed leni VENERIS vulnere tactus, vt fundi dulcissima per omnem vitam reliquam superesset memoria. O salue bonis auspiciis, calue praestantissime! Regias enim possides opes, claro diuorum caesarumque cultu exsplendescis, neque tibi opus est, vt aliquando moriens totam corporis sepulturam ab amicis roges, vel horridam menti barbam et capillos capitis densos ponere MERCVRIVS cauillator iubeat. O salue iterumque salue, senex amoribus ante annos defloccate! Sic enim comati capitis gloria cum fama caduca transit!

Vos ergo, A. qui estis auidissimi man-
surae post mortem gloriae, ab his diuinae
VENERIS nepotibus magnificum formae, ho-
noris,

noris, fortitudinis strenuaeque militiae exemplum vobis sumite. Quod praemium vt promte riteque adsequamini, omnia vobis et vestro praestate genio, prouocate deliciis Maecenates mollissimos, curate corpus sedulo, ne viribus destituatur idoneis operi, facite bellum ventri perpetuum, explemini epulis, comessamini mane, poscite a meridie pocula immania et pontificalia, date veneri operam assiduam, este, vt fortes ac strenuos decet, tantorum virorum imitatores dignissimi. Sic vobis cirratis breui aderit nobilissimum, excellentissimum, splendidissimum formae decus, caluitium, vt lucrum amorum et dissolutae vitae utilissimum, honorificentissimum, magnificentissimum, sic vobis eleganter caluatis ac nudis nec deerit mulierum mollium plausus, nec aequalium ciuium admiratio, nec perpetua posterorum memoria. Bene vixit, A. qui, vt habeat aliquid in commune, tempori et opinioni hominum cum gloria seruire didicerit, praeclare stetit, qui puer, iuuenis, vir, senex, militiam


VENERIS dominae fortiter subierit, et luculentus inter strenuos cum lucro iusto pugnaverit, demum cum laude ac fama nominis summa morietur, quisquis vestrum aliquando e divinae VENERIS castris tenuatus, macer, glaber ac derafus Plutonia regna intrauerit. Is enim ad inferos ne pilum quidem, leuem profecto sarcinam, adferet, quem Charonti duro et auido pro portorio fixo reddere possit. Iam vero macti virtute vestra, saluete iterumque saluete, calui praestantissimi! Abite laeti ac contenti spolio VENERIS clarissimo, abite vacui ab peccatis, valete animis, corpore, viribus, atque res vestras, amores vestros et conflictus dulces in posterum sine capillis agite feliciter.



III.

Q. CALVI VENEREI

FVNVS INDICTIVVM




Leto datus est, cines, tribus abhinc die-
bus Q. CALVVS VENEREVS, patricius, mi-
litia togata et armata clarus, amoribus cre-
bris in vrbe nobilitatus, puellis matronis-
que carus, egregie statutus, pustulosus,
redaluus, et apud posteros meritorum vul-
nerumque fama in aeuum memorabilis.
Vixit, quoad per fata licebat, tribunus di-
vae VENERIS praestans ac strenuus, defe-
cit in amicorum complexu et osculis, abiit
ab vitae statione naturae decreto, VENERIS
iussu, anulo detracto, ocellis pressis, ma-
xilla correcta, membris compositis, cor-
pore loto et vncto, ore polline oblito. Iam
vestibulo iuste collocatus, et lecto ferali
impositus, toga indutus alba, corona lau-
rea cinctus, floribus laete florentibus sua-
vibusque conspersus, expectat pompam
fun-

funebrem, ramo cupressi ad fores posito. Effieretur funus ex aedibus, et ducetur hora postmeridiana tertia, praelatis facibus atque cereis, tubicinibus clangentibus, praeficis naenias canentibus, anteductis maiorum imaginibus, ibunt post filium moerentem ac lugentem primi senatores, vestibis pullis, vultu habituque ad moestitiam composito, deinde sequentur amici atque commilitones venerci, post vniuersus populus atratus, cui est commodum ire exequias. Conuenite omnes ac frequentes, prosequimini funus, spargite flores, ite lenti usque ad forum: Laudabitur vir bonus, lepidus et praeclarus pro rostris, post reliquiae in monumento patrio reponentur. Quo vbi ventum erit, et pronunciatum a praefica nouissimum verbum, ilicet, vos ei placide defuncto summum vale dicite, ac fati serius ocyus imminentis memores hinc ad proprios lares recedite. Haue pia anima! Sit tibi terra leuis!

IV.

Q. CALVI VENEREI

EXEQVIAE



Si quod in humana vita malum triste, lugubre, ominosum, si quod fatum in serie rerum indeclinabile censendum est, A. nihil profecto grauius, nihil afflictius, nihil flebilius morte immatura existimemus oportet. Etenim vitae usura nobis cum conditione data, cum exceptione mortis permessa est, serius ocyus eo discedemus, unde non datur reditus. Viuimus laeti ac hilares, sed fato communi sic conformati atque constituti, ut singulis diebus ab interitu, tanquam ab linea vltima, propius abesse videamur, fruimur bonis praesentibus, sed utimur iis tantum iure naturae ad tempus, ut re aliena et mutua. Quae proxime futura sint, quae capiti caro imminuant pericula, quam propinqua nobis sedeat atque inhaereat dies postrema, prorsum ignoramus.

Discurrit, inopinantibus nobis, vita, quam aeternam putamus, a calcibus ad metam propositam, patent vndique ad citandam mortem viae multae, breues, faciles, repentinae, vrgent ac instant nobis praeter morborum agmina innumeri exitus, luxuria, nequitia hominum, ferrum, laqueus, aqua, ictus, casus, bella truculenta, consumuntur interdiu et noctu corpora occultis rerum nocentium stimulis voluptatumque illecebris, et opinione citius sonat tristis populi vniversi vox, o quam totus homuncio nihil est!

Abiit, discessit, transit e conspectu et oculis ciuium Q. CALVVS VENEREVS, vir antiquo genere ortus, et ad praeclara quaevis natus, militia togata, armata et veneria insignis, pugnis lasciuis et cladibus apud omnes clarus, cecidit ante tempus fessus crebris amorum vulneribus, exstinctus morte praematura, dignus prae ceteris, cui per-fata dura diuae VENERIS castris diutius interesse liceret. At enim ille miles rara pietate

ac

ae fide meruit, iam vèro cum summa lau-
de occidit, neque loco et certamine ante-
cessit, quam festivis Cypidinis telis ictus
et confectus viribus omnino destitueretur.
Perdedit patria ciuem egregium, perdidit
dulcissima puellarum cohors virum stre-
nuum, perdidit cupidus matronarum coe-
tus clarum adulterum, perdidit populus
hominem elegantem et luxuriosum. Etiam
lugent et moerent istum casum granem ac
flebilem nepotuli venerei, quibuscum erat
conianctissima morum venerumque com-
munitas, Vos etiam luctu felli, A. hominì
summo, vrbano et faceto, consobrino, ami-
co, malorum socio, cheu! e viuis abrepto
suprema hodie soluitis, ac iusta exsequia-
rum pie facitis. O praeclaras et caras la-
crumas! O dignum funere lessum! Erat is
nuper in deliciis et amoribus populi vni-
versi, iam ad inferos rediit tristes et immi-
tes sedes cogniturus, erat nuper is praeci-
puum decus et ornamentum vrbis, gloria
patriae, praesidium familiae, patrocinium
VENERIS, carum seminarum propugnacu-

lum, grande venereorum exemplum, finis, portus atque refugium, iam, positis exuviis, nihil nobis reliquit, nisi magni nominis patrimonium et famae celebrationem.

Adeste, A. adspicite has Q. CALVI VENEREI, hominis lepidissimi, reliquias, cognoscite corpus miseris multis pallidum, libidinosis vigiliis emaciatum, plagis crebris compressum, cicatricibus foedum, tabo solutum, et luctu iusto afflicti pronunciate, o fors fati durissima! O indigna malorum rabies! O quam caduca et peritura est hominum gloria, quam fluxa honorum dignitatumque ambitio, quam vana munerum et officiorum magnificentia morte maligna comparanda!

Haec enim sunt victarum venerum insignia, haec militiae infructuosae finitaeque praemia, hic tristissimus amorum finis, hoc tandem virus lentum vulneribus infusum superest! Quid ergo? Militat quisque: amans, donec paribus lasciviis ad cupidinem

uem et fastidium locus est, quaerit iuuenis largiora stipendia, postulat veteranus maturam missionem, exposcunt omnes miseriarum modum, ac saeuienti VENERI submitunt quidem corpora, non animos, ultimo demum actu ostendunt ictuum notas et cicatrices foedas. Sed si tot casus vita superauit, solae supersunt amicorum lacrumae, quibus mortui voluntas memoriaque conseruetur, sola restat pereunti spes certissima, fore, vt, si grauem et immeritam vim depellere, si necessitatem imminentem praeuenire non licuerit, suum cuique decus, suam merentibus gloriam grata rependat posteritas.

Quod dum mecum reputo, A. non vereor, ne mihi dicenti ac celebranti Q. CALVI VENEREI laudes egregias, dotes mentis ac corporis praeclaras, facinora lepida et digna VENERIS spolia beneuoli, faciles, commodi adesse, atque sermonem tristem, sed huic loco et tempori aptum silentio graui adiuuare dedignemini. Hoc enim mihi, hoc amici vestri manibus debetur, hoc vnum est, quod in hoc confessu lugubri a Vobis enixepeto atque obtestor.

Est

Est inter omnes satis superque notum in pace spectari rerum causas et merita, in bello innocentes ac noxios homines furore communi iuxta cadere, rariusque inter armorum strepitus atque tumultus adesse iustos ac aequos iudices, qui rumoribus vagis relinquunt tempus, quo sensim pedetentimque senescant, qui contemptu opinionis vulgaris facta hominum sine ira et partium studio aestiment, qui in dubia rei cognitione sententiam non dicant, sed acculatorum furorem et linguae proteruiam reprimant, atque permittant omnibus, ut corpora ad requiem humeris amicorum ferantur, neque auxilio militari tuendum sit, ut et digna, et quieta sepultura foret. Immo vero in hac rerum calamitate non adeo insolens atque inauditum est, ut, si qui vir probus et praeclarus, sed ad amores intentus atque mulieribus deuinctus suauiter ceciderit, in urbe sermonum audita et honos mortui, et fama bona proscindatur. Hunc enim exercitae militiae finem, hanc laborum requiem, hoc certaminis ingentis ornamentum stre-

nui milites VENERIS semper habuerunt, neque Q. CALVO VENEREO hae post fata iniuriae et calumniae defuerunt.

At vero ille qualis quantusque vir fuit, quantis ornatus nascendae, corporis, ingenii animique dotibus! Nam si haud ultima felicitatis humanae pars dicendus est natalium splendor, quo via panditur ad praeclaram institutionem et ad honores in republica summos capeffendos, certe hunc virum clarissimum, cuius reliquias luctuosis oculis adspicimus, prae ceteris felicem, beatum fortunatumque putemus oportet. Est enim ille numinis beneficio genitus illustribus atavis, habet antiqua et splendida stemmata, ostendit in atrio fumosas maiorum imagines, quibus excelsi animi iuvenes ad magna facinora concitantur, splendet et ipse meritis nunquam interituris. Expertus etiam ille est naturam fautricem in tribuendis ingenii dotibus, usus est puer et adolescens optimis ac doctis magistris, profectus est iuuenis ad celeberrimas Athenas,

nas, vt literarum studiis et ingenii cultura dignus patria ciuis, acquisita doctrina muneribus publicis aptus, ingenuitate praestantiaque animi amicis carus, morum elegantia et sermonis suauitate placens mulieribus esse crederetur. Inuisit etiam atque spectauit varias terras et vrbes, vt hominum venustiorum sensa, studia, inclinationes, instituta et conuentus elegantes probe perspiceret, et quid sibi, quid patriae, quid ciuibus, quid bonis omnibus in quocunque vitae cursu et stadio debeatur, probe intelliceret.

Talis cum esset Q. CALVVS VENEREVS, non profecto mirum est A. cum et in toga, et in sago fuisse prae aliis clarum, meritis grauem, munerum publicorum amplitudine praestantem, at vero homini suauissimo breui displicuit militia togata, quam iuuenis laudabili studio inierat. Haec enim etiam si reipublicae singulorumque ciuium saluti profit plurimum, tamen fere sine testibus publicisque praeconibus meritorum

memoria tacite transmittitur, malis auspiciis, lento et difficili gradu itur ad civilia munera, perraro emergunt optima ingenia, quorum virtutibus obstat res angusta, quibus defunt patroni, fautores, maecenates. Sola superest militia armata, quae civibus honores eximios, dignitates splendidas et famam maximam praebet, quae per varios fortunae casus, per lucida vitae mortisque discrimina ducat ad summa rerum fastigia, ad praemia laborum iusta, honesta et excelsa, ad perpetua nominis praesidia et ornamenta. Placet in paludatis scientia rei militaris, caeli grauis laborumque tolerantia, imperterritus in periculis animus, audacia, prudentia, constantia, at vero Q. CALVVS VENEREVS has praecclaras animi corporisque dotes ita probavit imperatoribus, vt nunquam e proeliis pedem referret, nisi classico dato, vt hostium telis se primus omnium obiiceret, vt securos a tergo et latere audacter inuaderet, lassos perpetuo laceraret, vini epularumque plenos subito opprimeret, vt praeda spoliisque onnitos amitteret nudos, iner-

inermes grauiterge vulneratos, Sic gnaviter pugnando per varios officiorum honorumque militarium gradus processit, sic, cum tribunus militum ad urbem acerrime dimicaret, equis binis confossis, ipse vulneribus multis, sed honorificis pectore adverso notatus, in terram praeceps cecidit, morti foedae proximus, nisi amicorum armis tectus ex acerrima pugna esset propere in urbem elatus.

Is vero non tantum fortem ac strenuum egit militem, sed et hominem petulantem, iniuriosum, luxuriosum, lascivum et violentum aduersus plurimos se praebuit. Nostis enim A. militum ingenia, studia, mores et peccandi licentiam, nostis et illud poetae,

*Nulla fides pietasque viris, qui castra sequuntur,
Venalesque manus, ibi fas, ubi maxima merces,
Aere morient paruo —*

Praedaque et hostiles luxum suasere rapinae.

Historia duce ac magistra, impune licent omnia militibus pro vrbe, pro patria, pro rege certantibus, indulgent sibi suoque genio,

nio, ne inofficiosi et inulti moriantur. Squalent fauces pulvere ac siti, sed adsunt vasa ciuium vinaria, quibus se ad libidinem, ad satietatem et luxuriam recreare possint, premuntur itinere felli fame multa, sed prostant cellae hospitum penariae, quibus pro luitu et petulantia vtantur, pruriunt turpi venere, at vero non desunt mulieres multorum virorum amoribus famosae, non pellices lasciuiis clarae, quarum corporibus insuescant, non puellae nobiles castaeque matronae, quas inuitas stupro violento prostituunt atque infament, egent rebus variis ad corpus tuendum et ornandum necessariis, sed cedunt minis trucibus et verbis acerbis omnia, quae ad duritiem operum leniendam sint valitura. Haec enim vitae communis bona, hae ciuium possessiones legibus tutae, integrae et intemeratae iure belli in alienam potestatem et vsuram veniunt.

Quae si certa, et vera, et omnium temporum ac seculorum exemplis abunde testa-

testata, confirmata quasque sacra sunt, nolite mirari, A. quod Q. CALVVS VENERVS se similem commilitonibus, se aptum bello se dignum gloria militari vbique praestiterit, quod, quae deceant bellicosum et expertum virum, lascivie, strenue ac satis ingeniose exercuerit. In hoc enim et natura, et exemplum, et vsus plurimum valuit, in hoc quaedam animi vehementia et linguae intemperantia ita eminuit, vt vel leuissimo verbo laesus ad iram, ab ira ad vim et iniurias, ab iniuriis ad immoderatam rabiem procederet. Hac enim impotentia animi abreptus ciues bonos loro, fuste ac gladio conuerberavit, vt seruos, effregit postes, diripuit priuatorum domos, si e re sua vel voluntate esse videbatur, vastavit sub specie officii rusticorum horrea, ne hosti superesset frumentorum copia, fecitque nocendi studio multa, quae, cum ipse respuerit, infecta esse cuperet.

Sed quid refert pluribus ea facinora numerare, quae fere sunt multitudini propria

pria et communia, et longis abhinc seculis habentur pacta, conuenta, licita? Superest longe maior Q. CALVI VENEREI honos et gloria, multo illustrior nominis claritas, quae non tempori, non licentiae populari, non fortunae malignitati debentur, sed varia natura, formae pulcritudine, affabilitate, adulatione, delicata quadam morum mollitie ac suauitate, cum primis favore mulierum praecipuo, comparantur. At vero hac in arte amandi ludicra ille fuit peregregius histrio verusque Roscius. Mervit ille per annos multos vegetus et probatus, auxit amoribus crebris stipendii angustiam, vixit inter ganeam, pocula et stupra celebris adulter, interfuit loco cuique nocturnis illecebris claro, dedit ac sumit lascivia oscula et praenuncias flagitii blanditias, non respuit venerem ad solatium datam, non sprexit discubitus inter conuiuas turpem, non deprecatus est noctes licentia meretricia peragendas. O felicem hominem ad dulcissima mulierum seruitia natum. O magnum ex utraque militia Caesarem! O virum prae ceteris dignum,

dignum, cuius effigies, vt alia numinum simulacra, in acde VENERIS splendeat!

Sed restant alia, eaque nobiliora militiae strenuae documenta. Placent A. tironi et veterano militi dulces venerum lusus, placent risus et ioci puellarum lepidi, placent suauia mulierum et furtiuu amores, vt leuia militiae lenocinia, placēt omnibus posita in campo venereo tirocinia, sed qui talia curant, tentant et audent, hos etiam cum maxime decet, vt lubricas VENERIS vias experiantur, vt incerta pugnae pericula subeant, vt graues clandestini amoris insidias blande superent, vt libidines varias offerant iterumque patiantur, vt vulnera mutua infligant atque recipiant, vt tandem aliquando post proelia multa mutilo et truncato corpore inhabiles ministerio ac rude donati ad patrios lares redeant. At vero idem fatum lepidum et illaetabile mansit Q. CALVVM VENEREVVM, cedentem amoribus nemini, parem militia nuda omnibus, superiorem fiducia virium superba plurimis: Magna enim

enim eius meritorum fama, summa mulierum de eo erat opinio. Militauit ille strenue, vt virum fortem et imperterritum decet, sed ex singulari pugna saepe victor discessit, magna lasciuiarum discrimina imprudens adiit, sed leui vulnere tactus ad signa et castra cum plausu amicorum rediit, clam amauit et iniit omnes sine delectu feminas, sed, chen! malas congressus notas et illita doli tela, vt tristia spolia, iterum iterumque reportauit. Quas hinc in corpore cruces, quos dolores acerbos tulerit, quas foeditates cutis ab amore falso retulerit, quas torturas et supplicia chirurgorum multo cum gemitu per annos sustinuerit, quantam virium et numorum iacturam ex medicorum inscitia habuerit, vix mente concipi, vix verbis exprimi potest. Intuta et maleuolens VENERIS furtinae vsura est, A. varia sunt et formidabilia CUPIDINIS tela, turpia restant virtutis praemia et trophaea, sed haec membrorum probra nepotulis venereis multae laudi sunt, haec insolita corporis ornamenta ioculariter verbis ac versibus canunt, has no-

tas

tas oris censorias scommatis ludicris excipiunt atque extollunt in conuiujs.

O quam durum est A. tristes memorare casus et clades flebiles, quas Q. CALVVS VENEREVS pugnando subiit, sustinuit, tolerauit, superauit! Saepe enim mentula tacta prauas lasciuiarum nugas plorauit, saepe partem eam, qua erat vir strenuus, foedis pustulis, tuberculis et carbunculis tentatam, saepe liquoris obsceni vias reclusas medicis obtulit, saepe inguen dono VENERIS, incredibile, quantum intumuit, saepe pars occulta rhagades madidas et mariscas fluentes habuit, saepe tulit corpore suo splendida diuiae insignia, maculas fuscas, pustulas egregie purulentas et serpentes, verrucas duras, fursura sicca, ore cancerum turpem, faucibus vuam exulcerantem, et omnium maxime superbam scabiem, saepe ingemuit ad nocturnos ossium dolores, saepe deuouit VENERI cephalalgiam infandam, rheumatismum membra sodientem et arthritidem vagam, saepe malorum.

pessi-

pestimorum pertaesus et fessus morbis implo-
rauit crudele medicorum auxilium, vt tan-
dem aliquando saluus et miseriarum liber eua-
deret, saepe guaiaci liquore perfusus et totus
mercurialis fuit gingiua tumida, salina foeda,
dente mobili, anima foetida, sed, reddita
salute, otioque laborum aliquantisper con-
cesso, ad amores veteres, ad vetita et intuta
gaudia rediit. O quam vana sunt hominum
suspiria et lamenta, o quam falsae amantium
lacrumae, quam irritae voces, dirae, exe-
crationes, quam imbecilla et stulta vene-
reorum vota! Nulla salus bello VENERIS,
nulla quies animo feruido et in amores tur-
pes prono, nullus cupiditatum libidinum-
que finis est, placet sua cuique voluptas,
vident illi meliora et probant, et tamen
deteriora sequuntur.

Tandem A. iste amandi furor, ista
praeceps amorum rabies, ista inconside-
rata mulierum consectatio Q. CALVVM
VENEREVVM, virum post fata desideratissi-
mum, ante tempus naturae praestitutum
perdidit, flebilique neci tradidit, sed nec

singula mala percernere animus est, nec fa-
vor et luctus nobis talia effari permittit.
Inspicite isthoc corpus pallidum, inquirete
formam eius et habitum, iudicate de foeda
boni viri pernicië. O quam deformë acho-
ribus ac gummatibus lepidum caput, quam
nudus capillis vertex est! O quam putida frons
carie, o quam cornuta tubere osseo! O quam
toruus oculus leucomate tectus, quam turpis
nasus osse collapsio et prima parte trunco est!
O quam membra olim valida, iam lurida,
carie corrota, exesa, destructa squalent! O
quam foeda cutis scabie formicosa, vlce-
rosa, crustosa, quanta oris decoloratio et
pustularum turpitudine, quanta manuum
scabrities, quanta partium occultarum mu-
tilatio, quantus artuum fluentium marcor,
quanta deletrix tabis lentae vis! Quo cum
esset statu corporis miserrimo Q. CALVVS
VENEREVVS, ultimo vitæ momento proximus
non, nisi rugosam et turpiter collapsam cutim,
malam maciem et summam virium demtio-
nem in corpore contracto et squalido fecit
reliquam.

Hos morbos tristes A. luxuriae procacitas, libido aestuans et rei venereae impetus corpori lepidissimi hominis intulit, haec sunt indigna VENERIS decora et ornamenta, haec emeritae militiae praemia, haec virtutis amatoriae spolia. Ne credite in posterum VENERI potenti, A. (incerta eius fides, infida est meritorum gloria) fugite eius blanditias et verba dulcia, (haec enim vulnere virus perniciosum habent) fugite, si tuti, si salui, si valetudine integri esse cupitis, VENERIS vulgiuagae amicos intimos, mysterii praesides, caerimoniarum antistites, (praua et indigna homine liberali est ista societas) fugite speciosa furtiui amoris lucra et fallacia formae lenocinia, (sero enim redit actae vitae poenitentia) at vero ne bonam Q. CALVI VENEREI memoriam ponite. Vixit sibi suoque genio, feruidus animo, idoneus feminis, nimius rebus prosperis, meruit infinita venereum stipendia, sed ex diuae castris indignas meriti notas retulit, meliori tamen fato dignus. Vixit fauens suis, vixit carus amicis, vixit gra-

gratus patriae, vixit plenus gratiis, meritis atque honoribus, deditque moriens vobis ac posteris exemplum praeclarissimum, quam vanae et lubricae, quam variae et inconstantes, quam dolosae sint VENERIS dominae deliciae.

Tu vero, Q. CALVE VENEREE, qui tuos pateris manes, libens accipe nostra vota! Si qua tibi viuorum et rerum nostrarum memoria superest, nostri ne meminisse desine, si quis tibi nostri doloris post fata sensus est, noli amicorum deesse luctibus, planctibus, desideriis, si quid valet lacrumarum vis et honorum significatio, si sua iura sunt inferis, noli flores purpureos et rosas sparsas, noli thura, coronas et lucernas ardentes in sepulcro positas, noli nomina iuncta spernere. Iam vero have, pia anima, sit tibi terra levis, sis molli tectus arena!